



Samnanger kommune

Sekretariat for kontrollutvalet
Saksframlegg

Saksnr: 2019/99-6
Saksbehandlar: Einar Kåre Ulla

Saksgang

Utval	Utv.saksnr.	Møtedato
Kommunestyret i Samnanger kommune		

Budsjett kontrollutvalet 2021 - ekstra midlar

Forslag til innstilling

1. Kontrollutvalet får tildelt kr. 144 000 i ekstra midlar til kontrollarbeid i Samnanger kommune 2021
2. Ekstra midlar til Kontrollutvalet vert løyvd frå Disposisjonsfondet

Samandrag

Kontrollutvalet ber i denne saka om å få tildelt tilstrekkelege midlar til å få gjennomført kontrollarbeidet i Samnanger kommune på ein god måte. Utvalet vedtok samrøystes 08.02.21 i sak RS 1/21 «*Utvalet ber leiar i samråd med sekretær utarbeide og sende sak til kommunestyret for å få nødvendige budsjettmidlar til utvalet.*» Det vert bedt om kr. 144 000 som er forskjellen mellom budsjettforslaget frå kontrollutvalet på kr. 775 000 og tildelt budsjett for 2021 på kr. 631 000.

Arild Røen
Leiar i kontrollutvalet

Hogne Haktorson
Kontrollsjef

Einar Kåre Ulla
seniorrådgjevar

Saksframlegget er godkjent elektronisk og har difor inga handskriven underskrift

Vedlegg

- 1 201015 - Svar på oppfølgingsspørsmål vedrørende tolkningen av § 23-5

Saksutgreiing

Bakgrunn for saka

Kontrollutvalet vedtok 28.09.2020 i sak PS 20/20 eit budsjettforslag på kr. 775 000 til kontrollarbeid i Samnanger kommune 2021. Budsjettforslaget frå kontrollutvalet låg ved budsjettsaka, men kommunestyret vedtok eit budsjett for kontrollarbeidet i kommunen på kr. 631 000, som var tilrådinga frå rådmannen. Denne saka er utarbeidd etter vedtak i kontrollutvalet 08.02.2021 i sak RS 1/21, der utvalet ber leiar i samråd auke med sekretær utarbeide og sende sak til kommunestyret for å få nødvendige budsjettmidlar til utvalet.

Vedtakskompetanse

Kontrollutvalet skal utarbeide budsjettforslag for kontrollarbeidet, medan det er kommunestyret som har vedtakskompetansen i saka, jf. forskrift om kontrollutvalg og revisjon § 2.

Vurderingar og verknader

Kontrollutvalet behandla sak om budsjett for kontrollarbeidet i Samnanger kommune 28.09.2020. Budsjettforslaget frå kontrollutvalet var på kr. 775 000.

Rådmannen la i sitt budsjettforslag til formannskap og vidare til kommunestyret fram budsjettforslag for kontrollutval og revisjon på kr. 631 000. Dette er kr. 144 000 lågare enn budsjettforslaget frå kontrollutvalet. Rådmannen skriv i sitt budsjettforslag for budsjett 2021 og økonomiplan 2021 - 2024 at framlagd auke i kontrollutvalet sitt budsjett er lik pris- og kostnadsvekst som er brukt i statsbudsjettet.

Kontrollutvalet er kommunestyret sin utøvande kontrolleining, og gjennomfører kontrollane på vegne av kommunestyret.

Kontrollutvalet er eit lovpålagt utval, og utvalet sitt ansvar og mynde er omtalt i kommunelova § 23-2.

Kontrollutvalet i kommunen skal sjå til at

- a. kommunen sine rekneskap vert revidert på ein trygg måte
- b. det vert ført kontroll med at den økonomiske forvaltninga går føre seg i samsvar med gjeldande føresegner og vedtak
- c. det vert gjennomført forvaltningsrevisjon av kommunen si verksemd, og av selskap der kommunen har eigarinteresse
- d. det vert ført kontroll med forvaltninga av kommunen sine eigarinteresser i selskap (eigarskapskontroll)
- e. kommunestyret sine vedtak ved behandling av revisjonsrapportar vert følgt opp

Det er rådmannen som er øvste administrative leiar i kommunen, og er dermed ofte gjenstand for kontrollaktiviteten frå kontrollutvalet. Rådmannen bør dermed i størst mogeleg grad unngå å påverke rammevilkåra for kontrollutvalet.

Kommunal- og moderniseringsdepartementet (KMD) uttalte i eit brev (vedlagt) til Forum for Kontroll og Tilsyn (FKT) 15.10.2020 mellom anna at

«Departementet legger derfor til grunn at kommunedirektøren ikke kan endre eller redusere kontrollutvalgets budsjettforslag for kontrollarbeidet før det skal behandles i formannskapet.»

Kommunestyret i Samnanger kommune har vedteke plan for forvaltningsrevisjon og plan for eigarskapskontroll. Dette er planar for oppdrag som kommunestyret har gitt til kontrollutvalet, og som kontrollutvalet bør gjennomføre innafor tildelt budsjett. I tillegg må kontrollutvalet sjå til at rekneskapsrevisjonen vert gjennomført på ein trygg måte av revisorar, som oppfyller krav som er sett til revisjon av kommunen sine rekneskapar. Dette ansvaret og desse oppgåvene er grunnlaget for kontrollutvalet sitt budsjettforslag, som utvalet vedtok 28.09.2020.

Konklusjon

Kontrollutvalet ber i denne saka om å få tildelt tilstrekkelege midlar til å få gjennomført nødvendig kontrollarbeid i Samnanger kommune i samsvar med kontrollutvalet sitt framlagde budsjettforslag for 2021.